



Broj predmeta: 02-000049/20
Broj akta: 01.1-1141SM-212/20
Datum, 8. 5. 2020. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine i broj akta: 01.11-1161DS-010/20 od 23. 4. 2020. godine, na prijedlog Odjeljenja za zdravstvo i ostale usluge od 5. 5. 2020. godine, nakon održane telefonske sjednice Štaba, komandant Štaba, gradonačelnik Brčko distrikta BiH dana 8. 5. 2020. godine i z d a j e

N A R E D B U

O EPIDEMIOLOŠKIM PREPORUKAMA ZA SPREČAVANJE INFEKCIJE COVID-19 U TRGOVINAMA U OKVIRU TRŽNIH CENTARA I TRŽNICE ARIZONA

Član 1.

Potrebno je osigurati fizički razmak od minimalno dva metra među kupcima i između kupaca i radnika trgovine zbog sprečavanja širenja infekcije.

Član 2.

- (1) Na ulazu u trgovinu treba kupcima biti osiguran dispencer s dezinfekcionim sredstvom za ruke i jasno istaknuto obavještenje o obavezi dezinfekcije ruku pri ulasku.
- (2) Također na ulazu treba biti jasno istaknuto obavještenje o obavezi održavanja razmaka od minimalno dva metra među kupcima te između kupaca i osoblja.

Član 3.

Kvake i rukohvate na vratima te površine rukohvata i ivice vrata na hladnjacima i ostale površine za koje se uoči da ih kupci često dodiruju trebaju se kontinuirano prebrisavati dezinfekcionim sredstvom na bazi alkohola.

Član 4.

Kupci su obavezni nositi zaštitne maske.

Član 5.

- (1) Radi smanjenja fizičkog kontakta potrebno je ograničiti broj kupaca koji istovremeno borave u trgovini (10 kupaca na 100 m² neto).
- (2) Nakon što u trgovinu uđe maksimalno dozvoljen broj kupaca, daljnji ulasci su mogući tek kad neko od kupaca izađe, tj. na jednog koji izađe jedan može ući.

Član 6.

- (1) U trgovinama tekstila preporučuje se prodaja bez isprobavanja odjevnih predmeta.
- (2) Epidemiološki se ne preporučuje isprobavanje odjevnih predmeta koji se oblače i svlače preko glave.
- (3) Ako je nužno isprobati odjevne predmete, nekupljena roba mora se spremati na pet dana u za to predviđeni prostor prije ponovnog stavljanja u prodaju. Isto vrijedi i za odjevne predmete iz povrata.

Član 7.

U trgovinama koje imaju korpe ili kolica, ograničenje broja kupaca koji ulaze u trgovinu može se postići na način da se na raspolaganje stavi onaj broj korpi ili kolica koji odgovara najvećem broju kupaca koji mogu istovremeno biti u trgovini te da se ulazak uslovi preuzimanjem slobodne korpe ili kolica.

Član 8.

- (1) Osoblje treba prilikom interakcije s kupcem koristiti zaštitnu masku koja prekriva nos i usta kao i rukavice, te im stalno biti na raspolaganju dezinfekciono sredstvo kojim će periodično dezinfikovati ruke.
- (2) Prostorno osigurati razmak od minimalno dva metra između poslužitelja ili blagajnika i kupca prilikom izdavanja robe i plaćanja robe.
- (3) Ugraditi zaštitnu pregradu na mjestu posluživanja i na blagajni, koja će fizički odvojiti blagajnika od kupca.
- (4) Treba podsticati beskontaktno plaćanje kreditnim karticama.
- (5) Smanjiti bliski kontakt radnika koji rade u odvojenim smjenama.
- (6) Ako je moguće, organizovati dvosmjenski rad na način da između prve i druge smjene bude barem sat vremena razmaka, koji će se iskoristiti za čišćenje i dezinfekciju površina tokom rutinskog čišćenja.

Član 9.

- (1) Osigurati nadzor nad zdravstvenim stanjem osoblja dnevnim mjerenjem tjelesne temperature. Osoblje treba prije dolaska na posao izmjeriti tjelesnu temperaturu.
- (2) Ako je tjelesna temperatura viša od 37,2 °C, ako se osoba osjeća bolesno ili ima bilo koje znakove bolesti (odnosi se na sve simptome i znakove bolesti, ne samo na bolesti disajnih puteva), treba se javiti nadređenom i ne dolaziti na posao dok se telefonski ne javi ljekaru porodične medicine ili hitnoj medicinskoj službi u slučajevima kad je direktno ugrožen život ili teško narušeno zdravstveno stanje.

Član 10.

Ispred ulaza u tržni centar postaviti dezobarijeru.

Član 11.

- (1) Na Tržnici Arizona, pored gore navedenih preporuka, neophodno je u halama osigurati jedan ulaz i jedan izlaz s jasno istaknutim smjerom.
- (2) Na ulazu u hale postaviti redare.
- (3) Ispred ulaza u halu postaviti dezobarijeru.

Član 12.

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

DOSTAVITI:

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Svim odjeljenjima Vlade (12x)
5. Sekretarijatu Vlade (3x)
6. Odjeljenju za zdravstvo i ostale usluge
– Pododjeljenju za javno zdravstvo
7. Uredu za upravljanje javnom imovinom Brčko distrikta BiH
8. Uredu gradonačelnika / Inspektorat
9. Policiji Brčko distrikta BiH
10. Članovima Štaba (34x)
11. Ministarstvu sigurnosti BiH, terenski centar Brčko
- Služba za rad sa strancima, Trg mladih br. 8
12. Ministarstvu sigurnosti BiH – Granična policija BiH
13. Institucijama Brčko distrikta BiH (8x)
14. Crvenom krstu/križu Brčko distrikta BiH
15. Javnim preduzećima, fondovima i Zavodu (7x)
16. „Službenom glasniku Brčko distrikta BiH“
17. Arhivi.

GRADONAČELNIK

Mr. sc. Siniša Milić